

唐宋词人年谱

夏承焘著

唐

宋

詞

人

錫



自序

唐宋詞人年譜十種十二家，予三十前後之作也。早年嘗讀蔡上翔所爲王荊公年譜，見其考訂荆公事蹟，但以年月比勘，辨誣徵實，判然無疑；因知年譜一體，不特可校核事蹟發生之先後，並可鑑定其流傳之真僞，誠史學一長術也。時方讀唐宋詞，因繙檢羣書，積歲月成此十編。其無易安、清真、稼軒者，以已有俞正燮、王國維及友人鄧廣銘之論著在；鄙見足爲諸家補苴者，別具于唐宋詞繫年總譜中，（繫年總譜將另出）此不贅及。瑣瑣掇拾，聊爲初學論世知人之助。若夫標舉作品以考索作家之思想感情，則治詞史者之事，固非年譜體例所能賅也。一九五四年十一月，夏承燾

目錄

自序	一
韋端己年譜	一
馮正中年譜	三
南唐二主年譜	三
張子野年譜	一六九
二晏年譜	一九七
賀方回年譜	二七一
周草窗年譜	三三五
附錄一：草窗著述考	三七〇
附錄二：樂府補題考	三七六
溫飛卿繫年	三八三
姜白石繫年	四三三
附錄：白石懷人詞考	四四八


韋端己年譜

韋莊字端己，京兆杜陵人。本集、蜀襦札、唐才子傳。

韋氏居杜陵，始于漢韋賢，見新唐書宰相世系表。浣花集十有過樊州舊居詩。

唐宰相韋待價之後。

案蜀橋机、通鑑唐詩紀事、十國春秋謂莊韋見素之後。據唐書宰相世系表：韋氏定著九房，見素屬南皮公房，相玄宗，莊屬逍遙公房。列莊世系如下：



唐詩紀事六十八謂端已「曾祖少微，宣宗中書舍人」，案世系表無少微，且宣宗時端已已二十餘歲，不應及見曾祖。唐才子傳十刪之，是；十國春秋四十從之，非也。元和姓纂亦無少微。

孤貧力學，才敏過人。唐才子傳。

疏曠不拘小節。唐詩紀事。

太平廣記一六五客鄙類：「韋莊頗讀書，數米而炊，秤薪而爨，炙少一櫛而覺之。一子八歲而卒，妻斂以時服，莊剝取以故席裹尸。殯訖，擎其席而歸。其憶念也，嗚咽不自勝。唯慳吝耳。」原注「出朝野僉載」。案今本僉載無此文。僉載題唐張鷟作，中載客問婁師德爲納言事，鷟蓋武周時人，（四庫提要一四〇引桂林風土記，定爲天寶以前人。）不應及見端已。提要謂其書凡闌入中唐後事者，乃僉載補遺之文，另是一書，非鷟所作。其書既不明撰人，又多嗜矻荒怪之說，近於笑林、卓異。記端已事，殊難憑信。貫休禪月集十二和韋相公見示閒臥詩云：「修補烏皮几，深藏子敬氍。」謂其好儉而已，不致過情若爾也。

乾寧元年進士。直齋書錄解題、唐才子傳。

仕唐至左補闕。本集序，唐摭言、客齋三筆。

仕前蜀至吏部侍郎同平章事。蜀檣杪、唐才子傳。

唐文宗開成元年丙辰 八三六

一歲。

唐書、五代史，皆無端已傳；蜀橋杭及唐詩紀事、唐才子傳、十國春秋，亦不載端已生年。今案端已鐸白詩云：「白髮太無情，朝朝鐸又生。節新年過半百，猶歎未休兵。」編在浣花集卷四。卷四自注「浙西作」，皆客游江南詩。此詩前二十一首有聞再幸梁洋云：「暫喜中原息鼓鼙，又聞天子幸巴西。」後三首有夏初與侯補闕江南有約同泛淮泗西赴行朝一首，注云：「已後自浙西遊汴宋路，至陳倉迎駕，却過昭義相州路歸金陵作。」蓋皆僖宗幸興元今漢中南鄭時作。案舊唐書十九下僖宗紀：光啓二年正月，田令孜迫車駕請幸興元，三月丙申至興元。光啓三年三月還鳳翔。端已以光啓二年初夏赴陳倉迎駕，三年過昭義相州路返。詳見後譜。鐸白詩必光啓二年作。據「新年過半百」句，則其時五十一歲，當生於本年也。陳思亦定端已生此年，而無考證，不知何據。

西人紀爾斯（Lionel Giles）作秦婦吟之考證與校釋（燕京學報第一期譯自通報二十四卷四、五合期），定端已僖宗廣明元年舉秀才，並假定其年爲二十。則當生於懿宗初年。案此說非是。浣花集卷二皆廣明元二年庚子辛丑間作，已有「老憂新歲近」、「亂離俱老大」、「王粲辭家髮已凋」之句，斷非二十左右之作。依予說以推，其時端已蓋四十餘歲矣。端已乾寧元年及第，五十九歲，故其年別東吳生云：「白首相逢淚滿纓。」乾寧四年使蜀過樊川舊居，六十二歲，故云：「嵇阮歸來雪滿頭。」皆予說之左證。近人考端已生年或臆定爲宣宗大中間，亦誤遲二十餘歲也。

白居易六十五歲，前三年以病免河南尹，再授賓客分司。

端已詩學居易，參後十歲譜。

唐宋詞人年譜

溫庭筠二十歲左右。考在飛卿繫年。

貫休五歲。

開成二年丁巳 八三七

二歲。

李商隱擢進士第。

武宗會昌二年壬戌 八四二

七歲。

白居易七十一歲，罷太子少傅，以刑部尚書致仕。

劉夢得卒，七十一歲。

會昌三年癸亥 八四三

八歲。

賈島卒，五十六歲。

端已奏請追贈島官，見六十五歲譜。

會昌五年乙丑 八四五

十歲。幼時嘗僑居下邳縣。

太平廣記一七六幼敏類：「韋莊幼時，常在下邳縣僑居，多與鄰巷諸兒會戲。及廣明亂後，再經舊

里，追思往事，但有遺蹤，因賦詩以記之。又塗次逢李氏諸昆季，亦嘗賦感舊詩。下邳詩曰：「昔爲童稚不知愁，竹馬閒乘繞院游。曾爲看花偷出郭，也因逃學暫登樓。招他過客來還醉，讒得先生去始休。今日故人無處問，夕陽衰草盡荒丘。」下邳爲白居易故鄉，居易此時尙健在，端已爲詩學居易，固由身世近似，幼時環境感染，或亦其一因也。

廣記又載其逢李氏兄弟詩有「御溝西面朱門宅，記得當時好弟兄」句，集六洪州西明寺省上人游福建詩，亦有「記得初騎竹馬年，送師來往御溝邊」句。居長安御溝西與居下邳皆兒時事，以年代無考，姑系于此。

會昌六年丙寅 八四六

十一歲。

白居易卒，七十五歲。

宣宗大中六年壬申 八五二

十七歲。

杜牧卒，五十歲。

大中十二年戊寅 八五八

二十四歲。

李商隱卒，四十七歲。

大中十三年己卯 八五九

溫庭筠貶爲隨縣尉。考在飛卿繫年。

僖宗乾符二年乙未 八七五

四十歲。

黃巢始起兵。

乾符四年丁酉 八七七

四十二歲。自鄂杜移居虢州。鄂縣、杜陵皆長安附近，虢州今河南靈寶。

端己家本杜陵，幼居長安，繼寓下邳，已見前譜。案詩集八有鄂杜舊居詩，集三用韻一首亦云：「鄂杜別家林」，是曾居鄂杜。其別鄂杜雖未注何年，然溪陂懷舊云：「辛勤曾寄玉峯前，一別雲溪二十年。」編在乾寧四年華州駕前奉使入蜀之後二首，當亦乾寧四年作。自乾寧四年逆數二十年，則別鄂杜當在本年左右。知自鄂杜移虢州者，以集中有虢州澗東村居、三堂早春、三堂東湖作、朱陽縣漁塘十六韻四首，三堂、朱陽縣皆屬虢州。皆編在卷一。卷一各詩，皆黃巢入長安前之作，則居虢州當即在此時離鄂杜之後。又據同卷冬日長安感志寄獻虢州崔郎中二十韻云：「帝里無成久滯淹，別家三度見新蟾。」審題必作于居虢之後，黃巢入長安之前。詩云「三度見新蟾」，則獻崔詩至遲作于乾符六年。黃巢入京之前一年。自鄂杜移虢，至遲當在本年也。

乾符五年戊戌 八七八

四十三歲。

牛嶠第進士。文獻通考二四二。

西蜀詞人，端己與嶠，年輩最長。惜嶠之生年不可考矣。

黃巢入福州。

乾符六年己亥 八七九

四十四歲。居長安。作冬日長安感志獻號州崔郎中二十韻。集一

此詩至遲本年作，說在前年譜。詩有「都說丹桂無人指，阮籍青襟有淚霑。溪上卻思雲滿屋，鏡中惟怕雪生髻。病如原憲誰能療，塞似劉楨豈用占」之句，蓋落第後作。云「溪上雲滿屋」，即溪陵懷舊詩所謂「雲溪」也。

黃巢入湖南荆渚。

案新書僖宗紀，巢本年十月入潭澧，十一月入江陵，十二月入鄂、宜、歙、池。詩集二有又聞湖南荆渚相次陷沒一律，必本年冬作。

廣明元年庚子 八八〇

四十五歲。在長安應舉。

唐詩紀事六十八記莊應舉時，值黃巢攻長安。

集一有放榜日作一律云：「三十仙才上翠微。」陳思引徐松登科記考，本年、中和三年及景福元

年，進士皆三十人。謂端己中和三年春在洛陽，景福元年春在婺州，定此詩本年作。案日知錄十七中式額數條引唐書高鏐傳：「爲禮部侍郎，凡掌貢部三年，每歲登第者四十人。開成三年敕曰：『進士每歲四十人，其數過多，則乖精選，官途填委，宜窒其源，宜改每歲三十人，如不登其數亦聽。』」是端己詩所謂「三十仙才」，乃舉當代登第成數，不能確定何年，陳說未允。（此條任銘善君見告。）十二月，黃巢入長安。莊陷兵中，大病，與弟妹相失。

舊書本紀十九下黃巢入長安，僖宗西行，在本年十一月甲申。集二有「賊」中與蕭、韋二秀才同臥重疾，二君尋愈余獨加焉，恍惚之中因有題一律云：「弟妹不知處，兵戈殊未休。」又有重圍中逢薛校書、雨霽晚眺二律，注云：「庚子季冬，大駕幸蜀後作。」

浣花集卷一各詩，皆黃巢入京前之作，弟藹序所謂「自庚子亂離前，凡著詩歌文章數十通，屬兵火送與，簡編俱墜，唯餘口誦者，所存無幾」是也。其中行跡：虢州諸詩，已見於前；尚有關中詩、曲江詩、嘉會里閑居、延秋門外作、登咸陽縣樓望雨、出關東行詩、尹喜宅、灊陵道中作、關河道中、題盤豆驛水館後軒（一統志云，盤豆驛在閩鄉縣西南），山西詩、柳谷道中卻寄（柳谷在夏縣東南中條山中），湖南詩、耒陽縣浮山神廟，今皆不能確定甲子矣。

詩集一有下第題青龍寺僧房一首，知此年以前曾應考下第。

紀爾斯謂端己本年在京應試秀才。其說未允。案新唐書選舉志，「永徽二年，始停秀才科」。是唐代秀才科，廢於端己之前二百餘年。端己作秦婦吟，而時人稱之曰「秦婦吟秀才」者，乃當時

士子通稱，亦猶夏侯孜未顯時，時人稱爲「不利市秀才」耳。見北夢瑣言三。唐才子傳謂端已乾寧元年舉進士，始釋褐，可證也。

僖宗中和元年辛丑 八八一

四十六歲。 兵中遇弟妹。

集二辛丑年云：「田園已沒紅塵裏，弟妹相逢白刃間。西望翠華殊未返，淚痕空溼劍文斑。」又同卷立春日云：「九重天子去蒙塵。」謂本年正月僖宗在興元，六月往成都也。

通鑑：「中和元年三月，有書尙書省門爲詩嘲「賊」者，尙讓怒，應在省官及門卒悉扶目倒懸之，大索城中能爲詩者盡殺之，識字者給賤役，凡殺三千餘人。」案端已此時在長安而未死，足見此是誣譖黃巢之辭。

中和二年壬寅 八八二

四十七歲。 春，離長安。

集四江上逢史館李學士云：「前年分袂陝城西。」又全唐詩端已詩補遺、有江上別李秀才云：「前年相送灞陵春，今日天涯共避秦。」二詩皆明年癸卯作，見明年譜。則離長安，必在本年春間也。

居洛陽。

集三洛陽吟注云：「時大駕在蜀，洛中寓居作七言。」同卷北原閑眺云：「五風灰殘金翠滅，六龍游去市朝空。千年王氣浮清洛，萬古坤靈鎮碧嵩。」觀軍過戈云：「關中「羣盜」已心離，關外猶

聞羽檄馳。節昨日屯軍還夜遁，滿車空載洛神歸。」中渡晚眺云：「魏王隄畔草如烟，有客傷時獨扣舷。節家寄杜陵歸不得，一回迴首一潸然。」聞官軍繼至未覩凱旋云：「嫋姚何日破重圍，秋草深來戰馬肥。」舊書紀，本年正月，「勤王之師，雲會京畿」。皆明年四月李克用攻長安之前在洛陽作。同卷有洛北村居一律，知所寓在洛北鄉間。

集三又有清河縣樓作、河內別業閑題、潁陽縣、題潁源廟諸首。清河縣樓作云：「千里塵戰連北苑，九江歸路隔東周。」云「東周」，知皆寓洛以後行迹，但未詳在何時。同卷東遊遠歸云：「扣角干名計已疏，劍歌休恨食無魚。辭家柳絮三春半，臨路槐華七月初。節」端已明年四月以後客江南，此云「七月初」，則「東游遠歸」當在本年夏秋。集三有新正日商南道中作，則明年正月由商南歸也。（商南道中一首，予本定爲本年作，陳寅恪先生著秦婦吟校箋，謂予說未安，當是明年作。茲依之改正。）

中和三年癸卯 八八三

四十八歲。三月，在洛陽，作秦婦吟。

原詩起云：「中和癸卯春三月，洛陽城外花如雪。」北夢瑣言、唐詩紀事、唐才子傳，皆謂在長安應舉時作，非是。

瑣言六「蜀相韋莊應舉時，黃巢犯關，著秦婦吟一篇，內一聯云：『內庫燒爲錦繡灰，天街踏盡公卿骨。』爾後公卿亦多垂訝，莊乃諱之。時人號『秦婦吟秀才』。他日撰家戒，內不許垂秦婦吟

障子，以此止謗，亦無及也。」此詩近方發見於敦煌，浣花集及全唐詩、集外詩皆不載，當由端已貴後諱之。其諱之之因，瑣言謂由「內庫」「天街」二句，近日陳寅恪君作讀秦婦吟清華學報十一卷四期疑爲不然，其文略曰：據舊唐書一八二高駢傳、載中和二年僖宗責駢之詔，亦引駢表中「園陵開毀，宗廟焚燒」之語，當時朝廷詔書尙不以此爲諱，更何有於民間樂府所言之錦繡成灰，公卿暴骨乎。即以詩人之篇什論，杜子美諸將之「早時金盃出人間」，即高千里之「園陵開毀」，「洛陽宮殿化爲烽」亦等於「宗廟焚燒」。豈子美可言於廣德、大曆之時，端已不得言……於廣明、中和之世耶。端已平生心儀子美，以草堂爲居，浣花名集，豈得謂不識此義。即此二句果有所甚忌諱，則刪去之或改易之可也，何至併其全篇而禁絕之。……可知其忌諱所在，有關全篇主要之結構，……不僅繫於此二句也。依秦婦吟所述，此婦之出長安約在中和二年二月黃巢反攻長安城之後。端已之出長安亦當在此相距不久之時。當時避難者東奔之路綫，應與詩中所言不殊，此觀于平時交通之情狀而可推知者也。……秦婦吟之秦婦，無論其是否爲端已本身之假託，抑或實有其人，所經行之路綫則非有二。據舊唐書楊復光傳，王重榮爲東面招討使，復光以兵會之。又據兩唐書王重榮傳，復光與重榮合攻李祥於華州，及重榮軍華陰，復光軍渭北，犄角敗巢軍。是從長安東出奔洛陽者，自須經楊軍防地。據舊唐書楊復光傳，復光斬秦宗權將王徽，併其軍，分爲八都，鹿晏弘、晉暉、李師泰、王建、韓建等，皆八都之大將也。是楊軍八都大將之中，前蜀創業垂統之君，端已北面親事之主，王建即是其一。其餘若晉暉、李師泰之徒，皆當日楊軍八都之舊將，後來王蜀開

國之元勳也。當復光會兵華渭之日，疑不能不有如秦婦避難之人，及北夢瑣言九所記西班牙李將軍女委身之事。端己之詩流行一世，本寫故國亂離之慘狀，適觸新朝宮闈之隱情。所以諱莫如深，志希免禍。……………而竟垂戒子孫，禁其傳布者，其故儻在斯歟，儻在斯歟。

以上皆陳說。

游江南，獻詩於鎮海軍節度使周寶。

集四江上逢史館李學士云：「城闕於今陷鼓鼙。」案舊書本紀，本年四月甲辰李克用入京師，端己南游，必在本年四月前。

王國維秦婦吟跋二，謂詩末云：「適聞有客金陵至，見說江南風景異。」又云：「願君舉棹東復東，詠此長歌獻相公。」則此詩乃上江南某帥者。考是時周寶以鎮海軍節度使同平章事，鎮潤州，則相公蓋謂周寶也。又詩集有陪金陵府相中堂夜宴詩，觀浙西府相畋遊詩，又有官莊詩自注云：「江南富民悉以犯酒沒家產，因以此詩諷之，浙帥遂改酒法，不入財產。」是莊曾爲周寶客。此詩當其初至江南贊寶之作矣。已上皆王說案集六江南逢李明府入關詩有云「我爲孟館三千客」，孟館當指寶。

集四陪金陵府相中堂夜宴，潤州顧濟開曉望，觀浙西府相畋游諸首，皆本年南游作。

陳寅恪謂唐人亦稱節將治所潤州之丹徒爲金陵，引李衛公別集一鼓吹賦序云：「余往歲剖符金陵。」德裕曾任浙西觀察使，韋詩之金陵亦指潤州，今鎮江也。

中和四年甲辰 八八四

四十九歲。

後此三年，爲光啓丙午，端己自浙西往陳倉迎駕。則此三年間仍居江南，爲周寶客也。唐時之浙江西道，今浙江舊杭嘉湖諸府及江蘇舊蘇、松、太等府州地屬之。

集四喻東軍云：「四年龍馭守峨嵋。」送崔郎往使西川行在云：「新馬杏花色，綠袍春草香。」皆明年三月僖宗還京前作。

六月，黃巢殲殺。

僖宗光啓元年乙巳 八八五

五十歲。

三月，僖宗還京。十二月。李克用逼京師，僖宗出奔鳳翔。舊書本紀。

光啓二年丙午 八八六

五十一歲。新年作鏤白詩。（說在生年。）夏初，自浙西過汴宋路，欲往陳倉迎駕。弔侯補闕詩注。陳倉今陝西寶雞縣。

集四有聞再幸梁洋一首，謂本年三月田令孜逼僖宗自鳳翔至興元也。同卷弔侯補闕云：「夏初與侯補闕江南有約，同泛淮汴，西赴行朝。莊自九驛路先至甬橋。補闕由淮楚續至泗上，寢病旬日，遽聞捐館。迴首悲慟，因成四韻弔之。」同卷汴隄行、旅次甬西，皆西上道中作。陳思引舊書文宗